

Broj: 03-33-6163/24
Sarajevo, 26.11.2024.

FEDERACIJA BIH
PARLAMENT FEDERACIJE BIH
ZASTUPNIČKI DOM

N/p Tajnika
N/p Zastupnika, Jasmina Biščević-Tokić

SARAJEVO
Ul. Hamdije Kreševljakovića broj 3

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 28-11-2024			
Org. jed.	Broj	Priloga	Vrijednost
05/1	-02-	562	/24

PREDMET: Dostava odgovora na postavljeno zastupničko pitanje Jasmine Biščević-Tokić, zastupnice u Zastupničkom domu Parlamenta Federacije Bosne i Hercegovine

Veza: Vaš akt broj: 05/1-02-562/24 od dana, 23.10.2024.godine

Poštovani,

U povodu Vašeg akta, a kojim tražite odgovor na postavljeno zastupničko pitanje Jasmine Biščević-Tokić, zastupnice u Zastupničkom domu Parlamenta Federacije Bosne i Hercegovine, u pravitku dostavljamo dogovor.

S poštovanjem,

Privitak: Kao u
tekstu

MINISTAR
Dr. Rimac
Dr. Nediljko Rimac

I

Zastupnički dom Parlamenta Federacije Bosne i Hercegovine dostavio je aktom, broj: 05/1-02-562/24 od 23.10.2024. godine Vladi Federacije Bosne i Hercegovine zastupničko pitanje Jasmine Biščević-Tokić, a koje je Vlada Federacije BiH prosljedila Federalnoj upravi Civilne zaštite i Federalnom ministarstvu zdravstva. Zastupnica Jasmina Biščević-Tokić postavila je sljedeća zastupnička pitanja:

1. „Zašto u uslovima proglašene prirodne nesreće u Federaciji BiH nemamo redovna izvještavanja o stanju na terenu – koji je to broj ugroženog stanovništva, koja starosna i spolna struktura, koliko djece;
2. Zašto nemamo informacija iz Federalnog ministarstva zdravstva da li postoji Plan koordiniranoga operativnoga djelovanja zdravstvenog sektora u ovim uslovima;
3. Zašto nema redovnog informisanja stanovnika od strane Federalnoga ministarstva zdravstva;
4. Kakvi su planovi protivepidemijske dezinfekcije, dezinfekcije i deratizacije na ugroženim područjima?
5. Kako se i da li se provode mjere zaštite stanovništva od zaraznih bolesti
6. Da li su organizovani mobilni zdravstveni timovi za rad na terenu“

II

Na postavljeno zastupničko pitanje Federalno ministarstvo zdravstva, **iz okvira svojih nadležnosti**, daje sljedeći

ODGOVOR

Nakon poplava koje su se desile u noći 3. listopada i dobivanja prvih informacija, Federalno ministarstvo zdravstva je sukladno zakonima iz područja zdravstva odmah reagiralo i 4. listopada uspostavilo stalni kontakt s kantonalnim ministarstvima zdravstva, kantonalnim zavodima za javno zdravstvo i zdravstvenim ustanovama s područja pogođenih poplavama, kao i kliničkim centrima u Sarajevu, Mostaru i Tuzli.

S tim u svezi, Federalno ministarstvo zdravstva je koordiniralo pripreme za eventualni prihvata većeg broja pacijenata u kliničkim centrima, kao i aktivnosti vezane za osiguranje cjepiva protiv tetanusa te i uspostave i slanja mobilnih timova na teren u cilju osiguranja funkcioniranja zdravstvenog sustava. O svemu navedenom ovo ministarstvo je priopćenjem za medije informiralo javnost istog dana, odnosno 4. listopada.

Predstavnici Federalno ministarstvo zdravstva su 5. listopada obišli poplavljeno područje Jablanice te u suradnji sa Svjetskom zdravstvenom organizacijom, a sukladno iskazanim potrebama, osigurali terensko vozilo koje je bilo upućeno u Jablanicu radi dolaska do pacijenata u odsječnim područjima. Također, nastavljane su aktivnosti koordinacije donacija za zdravstvene ustanove u Jablanici i Konjicu, uključujući EKG aparate i specijalne medicinske torbe za rad na terenu i dodatne količine cjepiva protiv tetanusa o čemu je javnost, također, informirana 5. listopada putem priopćenja za javnost i digitalnih platformi ovog ministarstva.

Naglašavamo da su nadležni kantonalni zavodi za javno zdravstvo obavljali sve potrebne protuepidemijske mjere, sukladno Zakonu o zaštiti pučanstva od zaraznih

bolesti, koje su, između ostalog, podrazumijevale stalno uzorkovanje vode, informiranje stanovništva, kao i provođenje mjera dezinfekcije, dezinsekcije i deratizacije.

Napominjemo da je Federalno ministarstvo zdravstva, sukladno svojim nadležnostima, sve vrijeme nastavilo s koordiniranjem svih potrebnih mjera u cilju osiguranja funkcioniranja zdravstvene zaštite, redovito obavještavalo javnost o aktivnostima, te koordiniralo donacije uključujući i dva terenska vozila i defibrilatore koji su naknadno donirani domovima zdravlja Jablanica i Konjic.